

*M. 650 n. 23*  
HVMANA LINGVA

OCVLIS MANIBVS CORDIQUE PRÆLATA

ORATIO

DE S. SPIRITVS

ADVENTV

AD SANCTISS. D. N.

INNOCENTIVM X.

PONT. OPT. MAX.

*HABITA*

IN SACELLO PONTIFICVM

QVIRINALI

A FERDINANDO NAZARIO NOVARIENSI

Sem. Rom. Conuict.



*22*

WILLIAM L. LINDSEY

RESIDENT OF THE CITY OF NEW YORK

O R A T I O

DELIVERED

AT THE

THEATRE

OF THE CITY OF NEW YORK

ON THE

11TH

OF JANUARY

1851

BY

WILLIAM L. LINDSEY

OF THE

CITY OF NEW YORK

AND

OF THE

STATE OF NEW YORK

AND

OF THE

UNITED STATES


OF AMERICA

3  
EMINENTISS.<sup>mo</sup> AC REVERENDISS.<sup>mo</sup>

PRINCIPI  
IO. IACOBO  
PANZIROLO  
S. R. E.

CARD. AMPLISSIMO.

FERDINANDVS NAZARIVS F.



*RATIO, qua linguas, Di-  
uinitatis vehicula dilaudauit,  
iure patrocinium sibi vindicat  
Tuum PRINCEPS EMINENTISS.  
Cuius enim potius interest lin-  
guæ præconio fauere, quam Tuæ,  
qui Romano Pontifici, cuius lin-  
gua, Sancti Spiritus calamus dicitur, in amplissimo  
quod geris munere, lingua & calamus es, eo ignita lin-  
guæ similior, quod ardes in purpura. Diu exercitamin  
magnis Ecclesiæ muneribus linguam Tuam summa*

*æquitatis incorruptæ arbitram, in legationibus ad  
maximos Reges flexanimam, & restituendo Ecclesiæ in  
re efficacem: in bellis componendis fœderum interpre-  
tem, & sequestram pacis Accedit, quod lingua Tibi &  
oratio, non solum in pectore nascitur, ut aiunt, verum  
etiam consentit cum pectore. Quamvis enim, vetus in  
Curia, & in Regia teneas aulicas artes, eas tamen  
exercere animi magnitudo non sinit. Hinc fit, ut  
veritatem liberè loquaris vel cum offensionum peri-  
culo, ideoque cum gloria; quoniam prudentiam nimis  
taciturnam timemus, veridicæ liberati amorem debe-  
mus & fidem. Neque à lingua, & corde Tuæ dissen-  
tiant manus. Quin præter sæculi morem, verborum  
parcus, factis es largior. Sed beneficia non fœneras,  
adeoque gratus esse appetis, ut vel à pueritia memo-  
riam replicas temporum, quo munus aliquod inue-  
nias, quod rependas. Testem habeo Præceptoris mei  
Magistrum, qui Te ad eloquentiam informavit  
ab hinc annis amplius quadraginta, in quem muni-  
ficentiam contulisti non redituram. Vale, Tuoque  
me patrocínio fove in ijs desudantem spatijs, quæ  
adhuc adolescentiam Tuam recordantur eminentem  
Rhetoricæ ac philosophiæ studijs, qualis in omni actu  
vitæ futurus eras, documenta præbentem.*

# ORATIO.



VID causæ fuisse dicamus, B. P. quòd  
 Diuinus Spiritus è Cælo descendens,  
 vt genus humanum non tam luce  
 perfunderet, quàm muneribus coro-  
 naret, ignearum speciem, formamque  
 linguarum potissimùm adamarit. Nam  
 si Deus charitas dicitur, & beatus hic Spiritus amantium  
 diuinorum est ardor, cur illi oculorum flamma non  
 placuit, qui dicuntur amoris esse vel duces, vel parentes,  
 vel nutritores? Si Cælestis prodigiorum effector, id-  
 circo delabitur, vt vetera Regna subuertens, nouum Ec-  
 clesiæ moliatur imperium; cur linguis inani sono stre-  
 pentibus, non anteponit solidorum operum effectrices  
 manus, munerum administras, fœderum pignora, instru-  
 menta triumphorum? Cor veritatis est regia: cur illud  
 linguæ posthabuit Spiritus veritatis? Nam veritas à lin-  
 gua sæpe peregrinatur, & exulat, in corde habitat. quod  
 si, vt optabat ille per fenestrâ humanos visus admitteret,  
 tot simulationum falsa non timeremus. Placet itaque  
 paucis Diuini rationes explicare consilij: quamuis enim  
 illa Maiestas, non ex necessitate quod optimum, semper  
 quod bonum est faciat, ne immensitatem potentie suæ limes

Io. 14.

Io. 14.

notis distincta collucent, vt mens humana non capiat, quomodo ijs quæ bona fecit, facere meliora potuerit.

Age verò, nec inauditum est, nec rarum sacris in literis, quod Diuinus Spiritus sub oculorum velo maiestatem cælauerit ne, an prodiderit suam? & qui lucem habitabat pro latibulo, pro amictu oculos induerit fulgurantes.

1. Tim. 6

Ier. 1.

Zac. 3.

Apoc. 4.

Eccli 13

Matth. 6

Cant. 4.

Isa. 4.

Barip.

Nam vatum vnus virgam vigilantem intueri videbatur, cum Sancti Spiritus Numen, & prouidentiam cogitaret: alter verò dum septem oculos in lapide cælatos animaduertit, eiusdem Spiritus habitantis in Christo sepius formem gratiam adorauit. Quid animalia illa in circuitu, & intus oculis plena? Non ne quatuor Euangelij præcones Diuini Spiritus insignitos muneribus significabant? cur ergo Pater luminum, & pupilla oculorum Diuinorum luminibus, oculisque non impluit? vt per oculos suos, qui lucidiores sunt sole, videat omnia, & videatur ab omnibus? vt Ecclesiæ suæ corpus lucidum reddat totus oculus, ac simplex Deus? vt vicem amabilem sponsæ referat, quæ se vno oculorum vulnerauerat, innumeris in oculis præbens alimenta ardoris æterni? quod si iucundum est, vt ait Poeta nobilis, viri beneuoli oculos intueri; quid esset intueri tot oculos peramantis Dei?

Sed manus, linguæ, oculisque non cedit. Nam si Dei manus, hoc est Spiritus sanctus in tabulis lapideis legem timoris incidit, quare non idem Spiritus conuersus in manus, in tabulis cordis carnalibus legem amoris inscribit? Vespasiano nondum Augusto mensæ accumbenti, humana manus oblata fuit omen Imperij. Quàm benè depluentes à Cælo manus futuram Ecclesiæ poten-

Exo 24.

2. Cor. 3



quemadmodum manus ornamentum dicitur corporis,  
 & propugnaculum, quod illud vestit, & comit, defen-  
 dit ac protegit, pugnat in hostem, vulnerat, triumphat:  
 ita Diuinus Spiritus Ecclesiæ suæ est firmamentum, &  
 decus, vmbra aculum quiescentis, clypeus pugnantis, &  
 gladius, corona triumphantis. Iam verò cum Ecclesiæ  
 Sanctissimi vatis ore promiserit Deus: Spiritum nouum *Ezech. 11.*  
 tribuam, & auferam cor lapideum de carne eorum, & da-  
 bo eis cor carneum; cur hodierna luce cordis figuram  
 non præoptauit, vt cumlatiùs oraculi fidem impleret?  
 cum præsertim Ecclesiæ cor dicatur Spiritus Sanctus, à  
 quo in oculos, manus, linguas fidelium, omnis gratiæ vita *Prov. 4.*  
 procedit, vt recta videant, faciant, proloquantur.

Verùm in contentione tam splendida, victoriam re-  
 portatis beatissimæ linguæ, quoniam solæ, oculi, ma-  
 nus, & cordis prerogatiuas amplissimas possidetis. Oculi,  
 fateor, animorum sunt indices; num certiores, quàm  
 linguæ per voces, non per nutus corda pandentes? Et  
 linguæ ignitæ, hoc est linguæ amantium, quæ mentiri ne-  
 sciæ à corde discordare non possunt. Testes coniuratio-  
 nes in capita Regum temere ab amatoribus indicatæ.  
 Testes Samsonis voces in caput suum veracis, cum fortis-  
 simi Nazaræi anima ex amore defecisset. Nam faciliùs *Iud. 16.*  
 flammam ardentem os opprimat, quàm secretum teneat  
 lingua amantis. Adeò in hoc vino veritas. Sed quid pro-  
 fana commemoro, quando ipse Spiritus sanctus qui  
 scrutatur profunda Dei, eiusque consiliarius dicitur, ar- *1. Cor. 2.*  
 cana Diuinitatis per hodiernas linguas cogente amoris  
 tormento, reuelauit. Nec mirum. Qui enim nobis Fi- *Rom. 8.*  
 lium, qui Spiritum suum, seque cum iis vna Diuinitate

fœm arcanum aliquod pectoris referuaret? An fortasse  
 potentiam adumbratam in manibus, desideramus in lin-  
 guis? Desideraremus, credo, nisi linguæ Dei essent, cui lo-  
 qui est idem, ac facere. Semel intra se locutus est, & ad-  
 huc loquitur Deus verbum illud quod nemo aud t, nisi  
 qui percipit, nemo percipit, nisi qui loquitur. Sed ò lin-  
 guæ ineffabilis potentiam! Dei vox vna peperit Deum: ex  
 æquo omnipotentem, beatum, in circumscriptum, æter-  
 num. Extra se verò multifariam locutum Diuinum Nu-  
 men Mundum initio cum diceret, procreauit. Stellæ  
 vocatæ quæ nullæ erāt, audierunt tamen, & dixerunt: ad-  
 sumus. Hodie pariter linguis ad orbis vsque terræ fines  
 sonantibus excitata viuis è lapidibus Ecclesia confurgit.  
 Hodie linguæ sono, non stylo manus, in corde imprimi-  
 tur lex amoris. Quid? quod fabricata linguis Ecclesia ijs-  
 dem nititur, & conseruatur? An non Sacramenta omnia  
 vocibus animantur? Linguâ Sacerdotum Deus deuoca-  
 tur in terras. Lingua Romani Pontificis humanum ge-  
 nus ligatur, & soluitur, Cælum clauditur, & aperitur. Vt  
 olim terra labij vnus, mox diuisa per linguas, rursus lin-  
 guis congregantibus, factum est credentium cor vnum,  
 & anima vna. Vtinam perpetua sint ista miracula, vt sem-  
 per vnus oris, & cordis Ecclesiæ sint Principes. Vtinam  
 linguæ nostræ Spiritui sancto, oculi, manus, corda lin-  
 guæ consentiant. Ne instar Histrionis in scena, nos de-  
 linquamus in vita: neque vt ille peccauit in artem sce-  
 næ, dum Cælum loquens, manu, atque oculis terram  
 spectauit: ita nos peccemus in artem vitæ, quam Spiritus  
 Sanctus docuit, si Cælestia loquamur, terrena, & praua  
 faciamus.

Pf. 61.  
 Tob. 33.

Hebr. 1.

Gen. 1.

Baruc. 3

Gen. 11.

Act. 4.